



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinis

Sterre, Jean Chrysostome van der

Antverpiæ, 1627

Cap. VII. Videt Christum in forma Crucifixi.

urn:nbn:de:hbz:466:1-43032

22 . T E V I T A B . I O S E P H
inuenire; haud dubium, quòd eos à
tali solatio magna meritorum distan-
tia & prærogatiua specialis gratiæ
separaret.

C A P V T V I I .

Videt Christum in forma Crucifixi.

REVELAVIT se post hæc puero
suo, nostro Samueli, ipse Domi-
nus I E S V S , non in formâ pueri, sed
in specie Crucifixi. reuelauit autem
sic: Contigit in ciuitate Coloniâ non-
nulla domorum mœnia incēdio con-
flagrare, vbi puer Domini vicinus
tunc temporis habitabat, Ruentibus
multis, vt, si possent, sedarent incen-
dium; vel (sicut moris est) saltem in-
spicerent; beatus puer etiam inter
alios festinus accurrit. Et ecce, mirum
in modum in medio incendij Basili-
ca quædam stabat: quæ licet vndique
ignibus premeretur, protectione di-
uina permanfit inusta. Admirantibus
cun-

cunctis, & miraculum sibi inuicem demonstrantibus, puer admirabilis coepit hęc cum ceteris admirari: cumque Basilicam diligentius admirando respiceret, ecce, apparuit illi Dominus *Videt Christum in forma crucifixi.*
 IESVS in specie Crucifixi, stans in vna parte summitatis Basilicę non ardentis. Sensit & intellexit puer sensatus, illam partem Basilicę, propter pręsentiam Crucifixi, non ardere. Sed rursus pueriliter est dubitare permisus, (vt mirabilibus mirabilia succederēt,) quare in alijs Ecclesię partibus, in quibus formam Crucifixi non vidit, non posset incendium dominari. Et cüm omnes Ecclesię partes curiosius circuiret: quocumque se vertebat, eandem speciem Crucifixi, in omnibus partibus contra se stare prospexit, & domum propriam ab incendio defensantem. Mirabatur sanè tunc corporaliter fieri, quod etiam spiritualiter multò potius fieri postmodum est expertus: videlicet, fidem & me-

moriam, & maximè imitationem vitæ Domini crucifixi, contra omnia vitiorum incentiua valere, vt verè
 Psal. 137. posset dicere cum Psalmista: Si ambulauero in medio tribulationis, uiuificabis me Domine; & super inimicos meos extends manum tuam, & saluabit me dextera tua.

CAPVT VIII.

*Duodecimo ætatis anno mundum deserit,
 ac Steinfeldiæ candido Præmonstrati
 Ordinis habitu induitur.*

IN tantis reuelationum cōsolationibus infantiâ teneriore decursâ, (quæ ex plurima multitudine ad nostram notitiam peruenerunt paucissimæ) statim vt potuit persentire, quid esset; benedictionem dulcedinis (qua præuentus erat à Domino) indicijs euidentibus puer Domini declarare studebat. Et cum iam circiter duodecimum ætatis annum ageret; relicta latâ
 & spa-